



~ 16  
2802  
5





16  
2802  
5

文清公薛先生文集卷之七

門人關西張鼎校正編輯

文清公薛先生文集卷之七  
律詩

簡楊景端

我到城中已五日子在山間不一來應畏風寒歷冰  
雪想憂澗滑行莓苔石泉繞戶只自語柴門竟日因  
誰開始射今朝好晴色相期握手登崔嵬

留贈楊景端二首

千里歸來訪故人喜聞結屋澗之濱手披青史尋高  
士頭戴烏巾學隱倫樽酒細傾延好客斑衣輕舞奉

昭和十九年  
十月六日



慈親自慙東抹西塗手又促行珂覲 紫宸

又

祇聞騰踏上亨衢何事中林又卜居谷口引泉看灌  
漑隴頭植杖勸耕鋤還同主婦供親膳更課兒童讀  
古書莫向家山窮此樂好將功業贖唐虞

簡孔別駕遊禹門用謝太守韻二首

別駕乘春訪勝遊禹門佳處重遲留兩邊翠壁連天  
起三級銀河入海流變化豈無神異物往來應有濟  
川舟遙遙明德人知否地闢天成幾萬秋

雙旌曾向禹門遊別駕今來亦暫留岸斷雲霞開翠  
壁天連棧閣駕黃流千金尚想波心瓠萬斛深期渡  
口舟如此山川元不惡可無詩句記春秋

冬至二首

九野蒼蒼閔太陰重淵脉脉動天心庖犧易有千年  
畫康節詩存半夜吟忽向靜中聞虩虩却從無處見  
森森固知一氣何曾息祇是天根辯古今

萬古天開只此時却憐春意正如絲群生已向無中  
見一氣還從靜處移匝地寒風徒凜凜行天化日漸  
遲遲吾心欲說知何似靜裏仍含未動機

讀文山傳三首



朔氣蕭森歲向深  
揮戈挾淚動哀吟  
艱危已竭回天力  
慷慨猶存捧日心  
海水尋常秋月冷  
塞雲千里暮星沉  
悠悠往事都如夢  
只有孤忠照古今  
丞相聲名二百年  
分明往事在遺編  
初離故國悲禾黍  
再立危邦慘杜鵑  
大勢已傾寧畏死  
孤忠自許敢求全  
當時桃李知何限  
回首春風盡落然  
氛祲冥冥暗海波  
英雄無地用干戈  
精忠在我當如此  
成敗由天奈若何  
渺渺蒼梧西日淡  
蕭蕭大地北風多  
睢陽錦里皆祠廟  
丞相勛名共不磨

登南坡

土阜層層有萬盤  
偶來高頂望人寰  
蒲川宿麥浮青浪  
一帶晴嵐列翠鬟  
何處雲霞迷磧石  
數村桑柘繞綿山  
唐風晉問憑誰說  
地濶天高鴈影閑

春日懷劉僉憲三首

千里關河歸故邑  
兩年風景憶虛菴  
郢中白雪知誰和  
爨下清琴想自諳  
君擁霜臺名未已  
我傷風木意難堪  
近來幾欲裁書寄  
春鴈其如不向南  
南望中州有所思  
山川回首歲華移  
早春京索啣杯處  
晚歲嶠函駐馬時  
月滿單懷陪款語  
霜清河朔寄新詩  
舊遊一一成追憶  
此後相逢更有期



虛菴事業久礱磨憲府乘駝歲月多已見風霜清郡  
邑况聞詞賦動關河幾回避迥情如舊兩載相思意  
若何自古中州多勝迹擬從飛蓋盡經過

重登故鎮寺樓

重來故鎮已三秋又上招提百尺樓山遠飛甍汗翠  
黛岸遮遠目斷黃流迴溪俯瞰粼粼玉喬木深藏曲  
曲丘莫謂此時窮勝槩還期汗漫九垓遊

紀先人舊遊三首

樹已成林麥浦郊春風春雨自飄蕭孤雲出岫飛還  
逐衆鳥歸林嘯且招俯仰空驚天地在低迷深覺歲  
華遙舊遊山水俱成感技淚思親首屢搔

陰陰夏木繞茅廬曾是先人舊寓居梁土又來前度  
燕篴中空有昔年書聲音尚想當窓發杖屨猶疑隔  
戶趨五內此時摧裂甚詩成滿紙淚如珠

祇願庭椿過百齡寧知奄忽便摧零舊遊山水皆悲  
思昔住園廬盡慘情菽水有權成昨夢衣冠無計覩  
平生孫兒指點經行處清淚如泉散漫傾

雨中簡周秉忠三首

獨抱離憂罷酒罇更看連日雨傾盆庭除汨汨深流  
潦几硯層層澗積痕往事一編聊自託永懷千古向



誰論先生量是知音者咫尺何由一叩門  
兩耳蕭蕭怯雨聲三更起坐到天明小濡自合通宵  
濕大厦何由不日成傾瀉只疑天漢竭奔流深恐地  
維傾會須萬里清風至盡掃雲陰放曉晴  
客居長日少人過况復經旬積雨多自愛窓前生綠  
草不妨門外注銀河頑雲礙日能爲沚流潦因風解  
起波爲問郡庠周博士此時官况定如何

贈海昌李太守四首

客裏終天痛有餘感君相慰意難舒細論往日交情  
厚却訝連年音問疎肝膽舊看如古鑑詩篇今觀勝  
明珠暫時相見還相別况是關河馬過初

我在中州君在吳幾年寥落鴈書無每思謝氏登山  
屐長憶黃公賣酒壚忽共青燈談肺腑細看白雪點  
頭顛英雄不減當時壯耿耿秋空劍氣孤

古今身世共茫茫出處無端總是常才俊從來推賈  
誼功名未必老馮唐幾看上谷秋鴻影忽對中州夜  
月光 聖代只今登俊彥豈容江海久徜徉

中州風景正凄清忽與交親話舊情往日襟懷常浩  
蕩昔年豪傑漸飄零一渠汴水涵秋碧萬仞嵩山露  
曉青勝地相逢應不偶好將佳句詠耆英



簡楊克英府幕

聞道徵租日正忙暫移行幕駐僧房紅蓮泛水浮朝  
彩綠樹搖風引夕涼公暇不妨尋好句講時端復炷  
名香好將寬政安黎庶留取功名汗簡光

雪後寄楊景端

雪白山青北望高相思咫尺興滔滔若人未必傷沉  
爵吾道何須嘆寂寥董賈文章鳴治世臯夔事業擬  
清朝村居不識楊夫子懶慢何心作解嘲

讀許魯齋思親詩并序

洪熙元年冬十二月余扶先人柩至單懷宣

德元年春正月啓先母窆合祔于汾陰先塋  
既卒事因檢元音讀至魯齋先生七月望日  
思親詩乃悽然有感潸然淚下遂次其韻得  
詩三首因書先生詩于前以見先賢誠孝之  
心溢于言表雖百載之下讀之猶足使人興  
起復書余詩于後以見余不仁不孝不能竭  
力于始終視前賢大節有愧云

思却千思與萬思音容無復見當時草窻夜靜燈前  
教蔬圃春深膝下嬉將謂百年供色養豈期一日便  
生離泰山爲礪終磨滅此恨綿綿未易衰



次韻三首

觸目家山總是思，思親况遇早春時。日長每聽詩書訓，風暖頻隨杖履嬉。百載韶華成荏苒，終天涕淚感睽離。自緣孤子無誠孝，不是人生有盛衰。風光滿目動哀思，春草春花似舊時。堂芥已成終古恨，斑斕不復往時嬉。中宵祗解追前夢，隔歲猶如在。遠離却憶高堂覽明鏡，曾將華髮嘆年衰。彷彿音容彷彿思，衣冠出入憶當時。成人未返林烏哺，稚子曾騎竹馬嬉。椿老暮庭鳳襪草，荒春塚雨離離。固知罔極恩難報，只恐終天孝易衰。

曲沃道中二首

孟秋雨霽過新田，綠樹人家斷復連。汾澮波光晴泛日，絳喬山色曉參天。中生大孝留天地，里克遺名載簡編。何事齊姜墳上草，恐將芳意度流年。四圍山抱一川平，新晉猶傳舊日名。汾隰漲消秋色淡，虎祁宮老夕陽明。歌傳烏鳥空遺恨，詩賦椒聊謾有情。往事無端何足問，且聽父老說秋成。

榮陽詠古八首

京索千年罷戰塵，空將往事問居民。山川遠近皆陳迹，道路東西是要津。黃屋幾回思義士，赤精終古有



真人拔山舉鼎知何似馬到烏江感慨頻

萬山依舊接嵩丘京索于今不斷流莊段是非留陸道項劉成敗有鴻溝古槐樹歷歲時久大海寺經風雨秋更上高原訪遺跡荒城故壘暮雲稠

日迴天高秋氣清登臨懷古倍多情山連廣武故城在路入鴻溝草樹平甬道年深無舊迹索流歲久只新聲興亡莫道都如夢終古猶存楚漢名

楚漢干戈久已休尚存遺迹在中州幾灣流水風烟暮一片荒城草樹秋力戰可堪離廣武分疆空見指鴻溝當時四百興劉計只在張良一運籌

蕭蕭涼吹動秋空千古河山一望中廣武連營秋草碧鴻溝分壤夕陽紅石麟有甲含蒼蘚鉄馬無聲散曉風何限英豪俱泯滅白雲依舊出層峯

陵谷高低控虎牢戰聲消息水滔滔旌旗滿眼無遺迹壁壘連雲只舊壕廣武西原通鞏洛萬山南面接嵩高悠悠往事皆如此懷古登臨何太勞

滎陽景物似當時不見唐朝老畫師隧道莊姜今已矣京城太叔果何爲留候計用炎光振亞父身亡霸業衰多少是非成往鑑莫將遺事使人悲

岡巒廻合一川平澗壑高低繞故城千古好山寧改



色滿溪流水不停聲留候總得翁張術漢祖身存駕  
馭情更望登高發長嘯當時豪傑已成名

題沈令送別卷

雙鳧縹緲上青霄令尹朝天不憚遙密縣于今思卓  
茂淮南自昔想時苗玉階仗引龍旂合寶殿香浮雉  
扇高鴻鴈近秋多健翮佳章早慰此心勞

西郊看刈禾二首

爲農每愛寬平地已向中州任七年莫道功名當早  
歲且看禾黍熟秋天蕭蕭澗地收霜穗整整成稌積  
晚烟濁酒一壺勞僮僕素餐深恐愧前賢

西原秋氣早生涼禾黍離離被隴黃穰處風烟輕捲  
席積來鴈鷺整分行大田已見多遺穗客廩應知足  
賸糧莫嘆書生親稼穡躬耕有客卧南陽

酬黃養正韻

翰苑香名久已聞剡門秋晚又逢君孤城木落臣吟  
月旅館風來鴈唳雲眼底江山期共賦馬頭岐路惜  
重分遼西不久留才子昭代如今正右文

經王素亭舊居

野浦荒村訪舊居鳥啼花落碧窓虛蕪園不復栽紅  
藥閑館曾經看素書對酒每懷陶靖節論文長咲馬



相如自從鵬鷲因風去水色山光思有餘

經玉田挽待詔魯仲輝

孤樹山前兩度過懷人搔首重悲歌文章事業今如此別鶴行雲竟若何渺渺夕陽鄉樹遠萋萋芳草旋封多人問俯仰堪惆悵不必臨流嘆逝波

都城卽事

曠曠曉日上蓬萊縹緲祥雲擁泰階旌旆風搖龍虎動簫韶聲奏鳳凰來九衢車馬香塵合萬井笙歌曙色開千古土游形勝地兩都欲賦愧非才

過苑仲仁莊居

爽氣澄清暑雨餘乘閑信馬到村居桑麻影裏元鄉逕楊柳陰中靖節廬縱飲百壺賢聖酒劇談千古帝王書籬邊黃菊煩多種九日還來一訪渠

無題四首

逸思飄然賦遠遊可堪三岳隔瀛州曾聞神女雲侵糞見說麻姑雪滿頭海上樓臺常似畫山中瑤草不知秋若爲借得仙家鶴鳴佩珊珊玩九州  
桂館瓊扉薜荔墻清脩獨爾意難忘已將蘭芷爲芳藉更集芙蓉製錦裳洛浦佳人鳴珮玉茂陵才子詠鸞凰應須一卷仙家酒散作人間雨露香



風滿珠簾月滿樓瑤臺有路可追遊香生寶鴨沉烟  
細露滴銀床玉宇秋楚岫三更雲渺渺藍橋千里浪  
悠悠花箋寫就煩青鳥更爲殷勤到十洲  
絕世青娥二八餘仙容綽約好樓居鮫人夜織綃爲  
幘雲女秋裁錦作裙碧海蘭若巢翡翠瑤池清水泛  
芙蓉祇應待得吹蕭伴共跨飛鸞躡太虛

題舊石橋

古橋欹側岸縈迴立馬臨流一愴懷鯨獸水沉沙底  
石蛟螭碑暗雨中苔闌干幾曲人頻倚華表千年鶴  
再來擾擾勞生只如此好將襟抱酒中開

宿水村二首

日暮江頭送客還寂寥清夜不成歡連天海氣當窻  
白一枕江風入夢寒鷄唱遠村皆落月潮生古渡已  
層瀾披衣久坐待明發白石歌餘興未闌  
投宿江村日已昏村童還爲啓柴門壺觴欲醉黃翁  
酒盤饌深慙漂母爰夜雪生香蘆被煖晚烟添綠土  
床溫清宵總是滄波趣莫向人寰取次論

春日遣興

靄靄春雲度女牆萋萋春草遍芳塘園林風景非吾  
土庭館鶯花是異鄉野岸波紋浮鴨綠官橋柳色弄



文集卷之七  
馮黃不知多少相思意祇逐遊絲百尺長

秋日寄王嘉靖

溪陽秋色動關河遼右天晴一鴈過  
白社高人渾懶慢青瑣學士久蹉跎  
西風對酒砧聲切良夜調琴月影多  
珠重遠書勞問訊相思千里奈情何

九日次徐懷玉韻

對酒東籬自詠詩遠山晴望轉逶迤  
秋容淡薄黃花節風景蕭條白鴈時  
醉闌人寰聊縱目靜思塵事久交頽  
年年此日無窮意咲把茱萸欲贈誰

寄題魏隱居

芳草柴門少客過日長清隱定如何  
一瓢道比顏生樂千首詩同杜甫多  
棲葉亂蟬晴轉急隔林幽鳥晚當歌  
絕憐垂白磻溪老猶整綸竿釣碧波

七夕憶去年與陳上舍飲

晚涼庭館秩初筵同醉西風又一年  
星漢已成人世阻僊槎應到鵲橋邊  
鳳簫聲遠頻驚夢蟾魄秋高幾上弦  
自咲生涯還似拙不勞瓜果乞青天

對雨

蒼蒼雲氣起蓬萊凍雨朝從海上來  
密洒園林聲淅瀝交流陂澤浪崔嵬  
龍飛霄漢風雷動鯢化天池羽



翼開六合茫茫看一洗高堂獨坐興悠哉

早秋

露下梧桐一葉飛早秋涼氣襲人衣西風樹老蟬聲  
急夜月涼深燕影稀鸞鏡每看新事業龍泉頻拭舊  
光輝黃花晚景真堪賞九辯何須怨夕暉

都城喜雨

祥雲無處不從龍好雨來時自九重泛灑已應千  
里遍沾濡旋及萬方同水連雲漢恩波濶山繞皇  
都樹色濃自是太平今有象康衢歌裏慶年豐

都城春夕示懷三首

春城鼓角夜沉沉旅館東風動客吟何處樓臺闌好  
景誰家絃管動清音燈前看劍添雄志膝上鳴琴托  
古心呼酒更須連夜飲放懷寧惜橐中金  
花外更籌刻漏遲客邊清興少人知歌餘綠樹風生  
處坐到青天月上時對酒豈能斟北斗誦詩空解望  
南箕清宵俯仰情何限寂寞誰能問所思

早過天津卽直沽

烟收澤國曉天晴日出扶桑萬里明二水交流東海  
濶一城雄鎮朔方清連雲風送孤帆遠夾岸潮隨大  
舶平借問閨門來往客不知誰是棄繻生



七夕雨

天孫不乞人間巧故使秋雲蔽月輝銀漢晚烟迷鶴  
馭玉霄涼雨濺仙衣更無絲結看蛛綴祇想橋成有  
鵲飛獨立秋風倍惆悵通津何處問楫機

春日懷舊遊簡胥貢士二首

剡門春色阻關河汴野東風長綠莎正是懷人烟景  
暮不堪對酒雨聲多閑中謾寫凌雲賦醉裏誰聽白  
雪歌惟有流鶯相厚意柳溪花徑數來過

落落襟懷正黯然早春時節憶前年玉田城外花經  
雨藍水橋頭柳帶烟千里交游成遠夢百年蹤跡任  
皇天高山流水知音在還對東風理素絃

登賢聖閣二首

梁苑清秋白晝閑偶尋名利扣禪關百盤飛磴身遙  
上千尺危闌手自攀已見神遊朝貝闕便從羽化出  
塵寰中天俯仰多時節颯颯天風冷珮環

化人樓閣倚青霄大地山河極望遙秋入淮黃波浩  
蕩雲開嵩少影岩巒九天沆瀣寒堪吸八牖星辰近  
可招十二曲闌渾倚遍一襟涼思正飄飄

鹿鳴宴二首

揭曉鄉闈日正晴大開藩府會文星繡衣弭節皆英



後章甫持衡盡老成龍管緩吹金縷細鳳笙齊逐玉  
杯行酒闌歸騎西風穩蟾魄秋高萬里明  
古木森森政事堂興賢開宴會金章緋衣送酒傾鸚  
鵡翠袖吹笙引鳳凰晴日漸移珠箔影暖烟深護瑞  
爐香祇知醉裏風雲濶袖拂歸鞭滿路霜

晚翠軒爲李大參賦

爲嫌紅紫競春風獨愛幽軒晚色濃霜後翠飄千箇  
竹雪中清藹數株松自緣品彙孤根別解與忠良勁  
節同畫省公餘看未足一襟清思歲寒中

題滄州丹室卷

道人結屋滄州裏四面闌干枕碧湍石榻生寒秋氣  
潤柴門湧月夜濤寒鸞凰佩影空中見龍虎丹光水  
底蟠清絕一塵飛不到蓬壺元只在人間

送友人下第歸山東

殘紅滿地草萋萋把酒都門惜解携祗擬大鵬搏碧  
落可應駟馬蹶霜蹄天開汶水龜蒙近日轉瀛洲岱  
岳低一曲瑶琴休悵別重來雲路有丹梯

題溪山嘉趣圖

仙人騎鶴去已久猶有畫圖傳世間石林倒浸碧溪  
裏玉峰秀出青雲端數椽茅屋鎮寥闓一葉扁舟常



往還借問此中何所樂萬事不羈山水閑

送王上舍歸省

鳳城南陌柳依依把酒東風送客歸上舍已霑新雨  
露高堂重舞舊斑衣文章濟世時應重忠孝傳家古  
亦稀我亦有親垂鶴髮願承天寵拜庭闈

登科後還家省侍

萬里鵬程浩蕩飛千年際遇古今稀初從天上看金  
榜又向人間戲綵衣衛水南旋帆漠漠晉山西上馬  
駢駢若親恩比滄溟大忠孝深期願莫違

洛水道中

古道縈迴傍險行蕭蕭禾黍晚風清無邊詩思嵩高  
色不盡年光洛水聲華表柱傾秋草含龜跌碑暗雨  
苔生往來人世成今古一曲高歌寄此情

狄梁公墓

邙山山下重夷猶曠世思公涕淚流荒塚一杯埋義  
氣豐碑千古表忠謀李唐神器危還正武媚妖氛散  
復收更賴紮陽華袞筆奸邪聞見總包羞

陝州抵沙澗渡

重岡高下近弘農北首鄉關喜氣濃三晉雲山秋色  
裏兩河烟樹夕陽中棄繻誰識當年客操築應無舊



日翁遠岸急風吹大舫令人却憶濟川功

雨中過條山

一夜秋空結晚陰曉來衝雨歷層岑山迴靈籟蕭蕭  
急谷轉雲濤漠漠深瓦甌潢流淹遠道酷憐霜菊拆  
秋金却思二十年前路岷水岷山萬里心

題蘇大尹具慶卷

祿養雙親志不違人生此樂似君稀階前椿樹風長  
靜屋背萱花露未晞百里忽傳毛義檄三春又舞老  
萊衣定知移孝爲忠日應有聲名達禁闈

黃河阻風遣悶

遠岸沙飛風浪渾流漸不斷下三門蛟龍凍蟄波心  
水舟楫寒依渡口村破悶只須吟麗句消愁誰與貫  
清樽臨流若憶殷賢相回首傳砮烟霧昏

和經武氏舊基韻

羽衣曾此侍鑾輿觀闕今爲一廢區鸚鵡尚留青帝  
坐乳鷄無復紫宸居已看大象飛寒燼又見天樞偃  
綠蕪惆悵當年多少事西風回首一長吁

送王別駕

十五年前是故人還家今見錦衣新麟經共仰淵源  
學驥足終爲鼎鼐臣遠別黃堂當晚歲遙瞻紫禁



正新春河橋分手情無限目送班生滿路塵

卜居後簡陳廣文

轉蓬天地欲何如又向中州買屋居  
峴首詩人王粲宅南陽豪傑孔明廬  
行藏祇想前賢迹事業惟存往日書  
賴有知音陳掌教時能相顧慰蕭疎

和劉僉憲見貽韻

明公年妙蘊經濟登車攬轡何壯哉  
昔遊梁苑思一見今在滎陽逢又來  
知音幸自遇青眼得意便當傾玉杯  
明日河橋暫分手亭衢有約共徘徊

有懷王大尹汝霖

昔當賤子還家日政是賢侯赴闕時  
暫對離樽論出處遠從別路說相思  
重來只見棠陰滿一去空憐鴈影遲  
好在當年舊山水登臨誰與賦新詩

有懷余廣文

先生去此幾經年一度歸來一惘然  
締席每思留月醉書牕長憶聽松眠  
流傳尚有關心句清切難尋入耳絃  
負却山川無限好把杯吟向晚涼天

夏夜邑學士友携酒其語

留連不盡意如何良夜相陪笑語多  
銀燭檢書勞問難玉壺携酒費吟哦  
樓頭遠鼓催華月天外微風落



絳河坐到中宵人客散壯懷猶擊唾壺歌

袁王社三老携酒鱸話舊酬以詩

爲謝殷勤父老情到門相顧問歸程盤將銀鱸黃河  
鯉酒擊青絲白玉瓶細話交遊非往歲劇談間里異  
平生從今杖屨頻來往南陌東阡儘送迎

有懷魏希文

君居薊北我汾陽隱隱雲山道路長每念昔年心事  
好却慙近日宦情忙一生經世詩盈紙幾度懷人酒  
滿觴想是龍鍾應有分莫交容易鬢成霜

聞蟬

夏館秋涼客寓居忽聞簾外一蟬初已知時序相催  
急併覺天真感激餘楚辯吟秋蛩韻切齊箏彈月厲  
行踈裁書爲報歐陽子萬響中間有太虛

秋日嶠沔道中

匹馬重經舊路岐西風蕭瑟晚秋時山川閱世無今  
古花草娛人有盛衰幾道泉鳴幽澗石兩崖蟬響夕  
陽枝祇應詞客偏多感處處秋光首首詩

送馬太守之西安

玉階新拜 寵恩濃皂蓋西行五馬同秦樹到關開  
曉色岳連當路出奇峰好詢民隱周三輔爲播仁風



蒼九重青史古稱張趙蹟會看勛業繼前蹤

呈王大參

千年海岳鍾英後獨步文章擢茂科執法烏臺留勁節分符薇省布陽和春風隴麥行邊秀時雨棠陰到處多金鼎調元應有日豐功行見被絃歌

春郊寓目

杏花開後近清明雨過郊原愛日晴風轉綠蕪浮曉色氣催黃鳥變春聲山連少室峰巒秀地入梁園草樹平此景真堪共眺賞恨無知己論詩情

登溫縣城

古堞攀躋最上層烟燕渺渺望中平大河波浪排空濁少室峰巒隔岸青巷陌雨餘林影潤城壕風起柳花輕平生最喜登高賦况有沽來酒滿瓶

河陽懷古

武王曾此奮天戈繼世其如出狩何兩岸綠楊遮漢水蒲汀芳草際黃河劫經墓古聲名大蒲岳花殘歲月多遮馬堤邊重回首遮馬堤即唐李光弼取史思明馬處紫金山色鬱嵯峨

次陳廣文韻留別二首

滎陽南望萬山攬萬山滎山名偶此成家計未安生意祗



憑禾稼好離情惟向酒杯寬詩留東道春將暮馬渡  
西河夏未殘自笑往來成底事鼎彝勛業定誰刊  
千里關河百慮攢不知何日此身安祇應浩浩風雲  
濶倍覺茫茫宇宙寬三晉到時蚕已老二陵行處麥  
將殘人生離合尋常事要使高名世不刊

晚登故鎮寺樓

危構峨峨杳靄間登臨不盡壯懷寬千年土地唐風  
舊一派河流禹跡閒鳥載夕陽歸遠樹龍携暮雨過  
前山此時無限飄然思便欲因風上九關

送楊景端赴秋試至寶勝寺

有客將爲汗漫遊偶過山寺暫淹留門開佛殿金銀  
麗路入禪房草樹幽市酒飲多還覺醉風蟬響急又  
驚秋若行若到丹丘上爲報群仙未白頭

秋日家山雜詠五首

八月家山覺早涼登臨懷古興何長醉鄉樂土輸王  
績魯國高文老卜商漢祀汾陰遺廟在殷遷耿邑故  
城荒樓船簫鼓空流水一曲秋風菊又芳  
孤城比望萬峰高禹鑿龍門勢獨豪三晉山河還表  
裏千年人物舊風騷子安詩在名猶盛太史書成志  
已勞難覓醉鄉王學士秋來禾黍滿東臯



蕭蕭林壑動秋風，獨上崇岡四望同。  
九折河流皆舊迹，千年疆宇總堯封。  
龍門獻策文中子，麟趾成書大史公。  
搔首高人今遠矣，斷雲滿目送征鴻。  
黯淡輕陰結遠天，無邊秋色正蕭然。  
蒼崖斷岸西風裏，古刹荒祠夕照邊。  
黃菊已隨陶令老，丹砂不信葛洪仙。  
豪華靡靡皆如此，惟有騷人麗句傳。  
雲山西去接崑崙，河水東來下禹門。  
疏鑿但能留勝迹，浮沉誰復問真源。  
將軍三箭功何似，教授千年道僅存。  
獨立西風看秋色，幾多心事向誰論。

安邑道中

魏主城頭日欲晡，尚驅羸馬涉前途。  
黑龍堰古波濤吐，青石槽長草樹踈。  
風土仍存唐帝俗，川原猶帶夏王墟。  
憑高處處頻回首，目斷雲山憶故居。

平陸謁傳說祠

澗道重岡擁復迴，秋風老樹古祠開。  
帝廷大命紆宸念，箕尾清光接上台。  
欲奠市治思麴蘖，將羞時品憶鹽梅。  
故知若穴多奇士，可是旁求到草萊。

渡茅津

舟人催棹渡茅津，南上崇岡感慨頻。  
昨日猶爲故里客，今朝又作異鄉人。  
風霜淒冷關河曉，草木凋殘歲



文集卷之七  
十一  
月新却愧傅岩操築老不應如我久征塵

沔池懷古次劉僉憲韻三首

行過崎陵到沔池九秋黃葉撲人衣風來澗水波聲  
急霜下韶山樹影微地遠黃河連暮靄峰高白石淡  
秋暉當時秦趙同盟處只有荒丘鳥雀飛

沔流猶逸舊城池城下秋風動客衣桓塚未荒王業  
降盟臺已築霸功微石門衰草連秋色亭柱踈林暎  
夕暉更上馬頭高處望五龍潭畔暮雲飛

山作高城水作池諸侯曾此會戎衣臺荒已見兵威  
息波響猶疑瑟韻微周黨聲名垂汗竹桓王弓劍  
斜暉登臨不盡千年意目送秋空雲鴈飛

新安次劉僉憲韻

千載新安要路邊函關知是漢時遷水流瀍澗深遠  
靜山接嵩卽斷復連石洞棊枰疑晏迹白墻石溜卽  
名泉平生最愛錢宣靖絕勝王喬第一仙

夏溪書舍爲劉進士賦

高人臨水築茅堂八牖開風面面涼芳草滿庭交翠  
色露荷當檻發幽香彈琴石瀨含秋響杖策藜燈耿  
夜光我欲携筇遠相訪暫從墳典話黃唐

簡白沈呂三藩府二首



雄鎮堂堂相府深  
爐烟不受曉寒侵  
調元總屬經綸手  
下土常存吐握心  
歲晚松枝留勁節  
春來棠葉藹濃陰  
豐功會見銘鍾鼎  
應有清光照古今

大鹵提封接帝居  
大藩公相盡名儒  
觀風歲久山常靜  
宣德冬來日漸舒  
畫省煖雲浮瑞鴨  
雕闌晴雪照金魚  
書生亦有扶搖翼  
更借剛風到碧虛

留別文孫王宋四廣文

我客并州歲晏時  
偶然相見卽相知  
香醪淺酌還深酌  
佳句朝題復暮題  
意氣難逢今日好  
風流不讓古人爲  
嗟予走馬明朝去  
雪嶺冰崖有所思

贈澤庠趙廣文三首

投宿山城雪打衣  
廣文情重啓華扉  
爐開瑞獸能噴燄  
燈結金蟲解吐輝  
官况不嫌如我淡  
交情深嘆似君稀  
明朝又上羊腸道  
回首寒雲滿目飛

先生事業近何如  
濩澤菁莪樂沛濡  
翫目豈無清獻鶴  
傳家應有子昂書  
網縷歲久芸除蠹  
堂戶年來鸞送魚  
握手臨歧何所祝  
洪淵選好探驪珠

登科輸子只三籌  
梁苑當年一樣秋  
往日已曾傾蓋語  
今朝何必典衣留  
瓶添醪醖頻斟酌  
唾落珠璣迭唱酬  
咫尺關河隔南北  
晉山明月下中州



贈袁司訓

華冒遙遙代作公先生還此振儒風  
已從桂籍看清譽又向芹宮識粹容  
狂飲尚能欺臙蟻放歌誰復感  
秋蓬追隨駿馬城南別笑拂吳鉤氣吐虹

脩武懷古二首

春過甯邑馬行遲攬轡東風眺望時  
淬劍池留中散迹承恩鎮駐武王師  
劉伶醒酒臺猶在漢獻封公塚  
謾遺七世同居良亦少至今人詠義夫詩

甯邑南邊潁水流勒兵周武幾經秋  
黃崖石古烟雲合青口山深草樹稠  
百佛謾存岩畔迹七真無復洞  
中遊循良衛颯今何似猶有高名播九州

題沈令雙桂堂

小山人去歲悠哉移得芳叢夾戶栽  
綠蔭共隨簷影落清香時逐綠衣來  
來年深應有連枝瑞老大寧非聳  
壑材總賴高堂培養力秋風還有幾花開

題沈令瞻松卷

底處知君憶所天瞻松終日涕漣漣  
春翻時雨情何極秋灑涼風興慨然  
鳥語故巢天欲曙鶴來滄海月初圓  
此情欲問何時盡直到蒼蒼化石年

酬師中吉見貽韻



老成名譽遠流傳忽寄新詩到客邊玉札丹砂應有  
訣蒼顏白髮保無愆失雲病鶴翎猶健越日芳葵色  
目妍莫向周南嘆留滯丹梯依舊好攀緣

送李少府從征

相知未久又分襟春色離情兩不禁暫解瑤琴辭汴  
水還衣畫錦過家林野塘日暖冰消玉官路風和柳  
驛金談笑青油有餘興鱗鴻頻爲寄佳音

和曾僉憲贈劉僉憲韻二首

乘輅早歲赴三川按節中州又幾年天啓貞符欣際  
遇星明執法羨超遷網維已見當時振詩卷仍留後  
世傳避近幾回嗟又別好期勛業在凌烟

聞築烏臺一室成四圍曉色抱虛明簾櫳雨過翠書  
潤戶牖風來枕簟清白筆通宵飄爽氣訟庭長夏絕  
囂聲懸知到處留遺愛賸有棠陰統棟楹

題劉僉憲琴書清處

虛菴底處貯琴書聞築幽軒傍所居竹葉分陰侵几  
席松花和雨點階除調高麤尾初離匣帙古芸香正  
滿厨好在希聲與真意一襟清思迥難如

興隆寺

百尺高臺接女牆梵王樓閣白雲鄉牕開北極星光



近簾捲西山爽氣涼遠岸風蘆秋瑟瑟滿城烟樹晚  
蒼蒼因知一氣乾坤大併覺身心入混茫

魯齋先生單懷書院

南北風塵瀕洞中天開人極產英雄幾年力學尊尼  
父萬里心傳得晦翁自信興王為大道豈知伐國是  
元功當時歸老情何切為愛西山萬玉峰

簡柴同知

手持雲錦到天鄉鷓鴣亭徧共韻頌識法十年推定  
國分符千里得王祥清聲籍籍傳中土爽氣飄飄接  
太行政暇好書還自覽新京昨夜滿黃堂

單懷秋曉作

樵樓月落曉鍾清起坐南窓讀聖經道大豈如湖海  
濶義微何止羽毛輕天開俾塊鴉初散風過園林葉  
盡鳴便欲出城閑極目西風清絕有高陵

單懷秋夕詠懷

客裏單懷又過秋一樽相對興悠悠論材恥作千人  
俊按筆寧期萬里侯霜葉滿庭紅不掃月華當戶靜  
還留人生志業無窮在肯學潘生歎白頭

寄沈仲安廣文

幾度相逢汴水邊好懷偏為客留連北窓夜坐銷銀



燭南浦朝遊并錦鞵共指黃流經朔漠獨尋廣武暗  
秋烟與君幸自俱年少莫寄安威內史篇

文清公薛先生文集卷之七

文清公薛先生文集卷之八

門人關西張鼎校正編輯

律詩

送王秀才登鄉第歸單懷

文運天開四海清新頌鳳詔屬賓興中州河岳鍾神  
秀梁苑風雲集俊英祇見驪珠千鑑重肯同魚目一  
毫輕看君得意歸鄉里何異當年畫錦榮

雪後至西郊二首

偶爾閑行出近郊新年殘臘氣將交蒼茫遠道風初  
定寂寞平原雪半消春色漸催山色動天光渾逐水



光搖乾坤滿目皆生意何必清宵看斗杓  
臘到新年纔幾日四郊生意已欣然高低雪色春融  
液遠近煙光水接連已覺洪鈞回大地更看白日麗  
中天歲華人事皆如昨只有思親意惘然

題陳僉憲族譜三首

華胄誰如陳氏賢一門幾世住蛟川宗分衆派多遺  
澤家富群書總舊編蘭玉在庭爭奕燁鸕鴻得路競  
騰騫新裁譜籍增光耀瓊襲應須久遠傳  
蛟川喬木綠成圍詩禮傳家古亦稀揮架牙籤充棟  
宇分行蘭竹秀庭闈清門接踵雙黃榜烏府連聲兩  
繡衣積德由來應未已佇看譜牒旋增輝

偶坐道傍獨樹下看山

獨樹道邊清影密偶來閑坐已多時塵勞擾擾於人  
厭山勢亭亭與客宜遠谷蒸雲能變化亂峰聯碧自  
逶迤褰衣便欲尋幽勝只恐山靈解勒移

雨後寓目

天衢廓落放新晴渺渺烟郊四望平嘉樹戰風搖野  
綠好山經雨洗空青兩間滾滾皆新氣衆水滔滔只  
舊聲玉燭已調兮有象萬家耕鑿荷生成

夏日簡陳廣文



文集卷之二  
靜掃書齋坐日長  
好風時復送清涼  
焚香讀易添新趣  
隱几看雲憶故鄉  
蛻殼已聞蟬響急  
將鷓頻見燕飛忙  
紫居久欲來相訪  
觸熱其如汗作漿

沈廣文送梨榴

八月梨榴俱已熟  
殷勤相送揀瓊奇  
黃如楚國來柑橘  
紅似瀘戎擘荔枝  
磊落堆盤香並美  
酸甜澆齒味皆宜  
少陵肺渴全消釋  
只欠瓊瑤答所私

新鄭詠古

經行鄭國舊山川  
禾黍秋風駐馬看  
烟樹幾灣流水在  
荒城千載暮雲閑  
時聞雨歇無龍鬪  
大隗山高只爲還  
借問當時賢相國  
幾多遺愛在人間

扶溝道中

古堤東去路漫漫  
與客聯鑣縱大觀  
草木近浮梁苑潤  
烟霞平入楚天寬  
清風細細催蟬韻  
爽氣飄飄近馬鞍  
行到扶溝詢舊俗  
大賢千古仰高山

留別鄧可訓

偶過儒宮幾日留  
廣文清義若爲酬  
連床夜聽蕭蕭雨  
聯句朝吟淅淅秋  
臨水乍驚新漲急  
看山還喜遠青浮  
蟬聲驛路明朝別  
回首高城古木稠

秋日遣興簡陳廣文



西風連日雨初晴已覺新涼滿戶庭玄鳥相將寧見  
影寒蟬寂寞已無聲能文解動高人興對酒誰同好  
客情願是長沙老詞伯新詩相送小童清

秋日王屋道中五首

崎嶇連日太行中王屋名存縣已空濟水難尋潞地  
脉天壇遙見出雲峰黃花夾道開清露紅樹漫山醉  
晚風處處登高重回首客懷秋思浩無窮  
路轉山迴處處迷不登絕頂卽尋溪寒泉徹底清人  
自亂石盤空割馬蹄繞逕黃花猶戲蝶隔村紅樹乍  
聞鷄無端客思匆匆甚好景其如每倦題

地闊天開有此山經行孤覺礙人寰久知元氣包空  
外細看長松走石間有水遊魚還上下無名啼鳥尚  
間關高秋不盡登臨興客况何由一日閒  
晝日區區歷險艱山光時爲破愁顏一川霜葉翻紅  
袖幾簇烟嵐縮翠鬟佩玉聲清秋澗急旌幢影蘸暮  
雲寒時登絕頂看天地元氣氤氳杳靄寬  
寥落山家處處稀尋幽陟嶽馬行遲滯溪紅葉沉秋  
水半嶺霜棉吐夕暉雨霽石田收稼了烟深松逕負  
薪歸詩成只恐山靈咲千仞峰頭一振衣

登中條山東頭



魏國中條此盡頭登臨暇日興悠悠兩崖勢轉黃流  
靜萬壑聲寒碧樹秋官舍飛甍臨遠谷琳宮細路繞  
層丘風光滿日皆吾土逸氣飄然總勝遊

戲題紅葉

自是霜根獨占先晚秋殘綠變紅鮮臙脂膩染嬋娟  
女金醴濃薰綽約仙入水忽驚丹伏鼎向陽還訝火  
生烟秋光死似春光好搖蕩相思九月前

登中條山望大河有懷戴趙二同年

登高遙望大河南水落天空爽氣含細路微茫通沔  
洛亂山重疊接峭函白雲關塞新過廡黃葉園林舊  
駐驂最憶韶陽同榜客往來長是縱清談

寄襄陵下廣文

風雲匆匆老歲華往來三宿廣文家名香泛靄薰瑤  
席畫燭分光照紫霞別路迴驚汾水遠離情長繞晉  
山斜多君鳳穴風流在擬向鸚班次第誇

送湯自新之永和令

羨君初拜九天恩銅墨之官喜氣新一路好山迎去  
馬二陵時雨泄行塵花封舊有唐風厚政績當如漢  
吏循我亦趨朝應有日佇看名譽達楓宸

神州八景



瓊岳春雲

昨夜東風海上過，玉京瑤岳得春多。  
數峰秀色分金碧，滯谷祥雲絢綺羅。  
暎日已增千古瑞，隨風頻繞萬年柯。  
祇看出岫爲霖處，長濟蒼生樂泰和。

太液秋波

仙家岳嶼繞瀛洲，一鏡波澄淡靄收。  
影浸玉樓先得月光鋪，翠簾早生秋。  
九霄氣接銀河迥，萬頃風行雪浪游。  
自是此中涵帝澤，年年長向世間流。

玉泉垂虹

山澤從來一氣通，山頭飛瀑瀉玲瓏。  
隨雲已作千秋雨，暎日還爲五色虹。  
瑤澗金銀騰寶氣，碧霄珠玉滅高風。  
若爲剪取水千尺，一洗塵懷萬斛空。

居庸疊翠

玉峰相向復相連，一雨初收霽景鮮。  
橫界曉空青未了，平浮春野翠無邊。  
鳳城佳氣通朝靄，鰲海晴輝接暎烟。  
自是右今天設險，皇圖永奠億千年。

廬溝曉月

一曲清流遶帝畿，宿雲收盡曙光微。  
踈星尚照離離影，殘月猶涵淡淡暉。  
霜滑石橋征鐸響，風清沙渚塞鴻飛。  
經行併覺塵埃盡，多少清光上客衣。



薊門烟樹

石門相對一川平  
嘉樹依依接鳳城  
密繞溪村雲未  
歛半遮山寺雨  
初晴歸鴉向夕穿  
新綠嬌鳥啼春  
護洛英試向高原  
凝望處祇疑韋  
偃畫初成

金臺夕照

千年玄社已消沉  
尚有荒臺僅數尋  
壞堦只今生翠  
蘚頽垣不復貯  
黃金山啣落日  
留殘照樹擁孤  
雲帶夕陰駿馬無  
聲衰草合冷風  
涼月暮虫吟

西山晴雪

皇都一夜散瑤華  
曉見西山霽景嘉  
照日凍泉封素  
練蹴天潮海漲銀  
沙晴暉近接仙人  
掌爽氣平浮上  
帝家多少玉堂揮  
翰手此時清興正  
無涯

寄舍弟塘四首

同侍先人久宦遊  
先人沒世葬林丘  
弟脩蘋藻居鄉  
里兄竊功名上帝  
州鴻鴈影分思並  
宿鶴鴒聲遠念  
相求勉脩令德光  
前緒頻寄書來解  
我憂

先母亡時汝四春  
先人辭世汝成人  
二親恩比乾坤  
大一氣情如手足  
親荆樹願同珠樹  
好榮華期與歲  
華新故鄉聞道逢  
艱日生計無忘早  
晚勤

父母生來汝與吾  
承家付托藉良圖  
立身莫若親賢



士防患應須遠酒徒得善便當銘肺腑敬身寧使損  
肌膚兄年謾長慙無德併寫斯言列坐隅  
幾載艱虞西復東正趨明詔老親終含悲其汝辭河  
朔輿櫬還家托故封忽憶鵠原千里遠祇應棠蔭兩  
枝濃願叨微祿膺天寵早得焚黃拜祖宗

送牛給事領勅命還南京三首

趨朝北闕近臣回送別南風祖席開玉佩暫辭鸚鵡  
侶畫船行近鳳凰臺江山爽氣臨官署星斗清光接  
泰階此去超遷應有日中朝屬望想重來

黃門三載北趨朝又沐天恩下九霄別思暫傾燕市  
酒好風宜放潞河般家人蟾子占應近官舍燈花結  
未消聖代兩京宏治化好持忠謹荅軒堯  
南歸紫誥喜新頒送別都門擁大官鸞紙分題殊浩  
瀚羽觴行酒任飛翻呂梁浪穩仙舟度京口風清客  
思閑想到秣陵瞻北極便應咫尺見天顏

元氏詠古

太行西望翠成堆白石諸峰爽氣來元震劒鋒留石  
刻李躬書院長青苔磨盤南接田文墓槐水東連漢  
將臺獨羨三公神異久會鍾英傑位台階

磁州詠古二首



北來行色正駸駸馬傍西山靜客襟  
滏水之源從龍洞出漳河流自發  
鳩深卓荦亭古無遺響勝景園空罷  
賞心翹首川原思故老尚留珠玉到  
如今持節南行過滏陽川原繚繞接  
衡漳神麝山下河流出牛尾岡頭故  
塚荒風月舊樓餘斷刻大明遺剝有  
名章園林花木南薰細猶似祥蓮九  
夏香

邯鄲贈賈進士使關中

接踵青雲滿後塵君於道義最情親  
寧知握手邯鄲地同是觀風郡國人  
太華倚天秋氣爽洞庭橫劍曉霜新  
相思南北須珍重早約回轅觀紫宸

留贈沈仲安廣文

年來初識沈休文楚楚才名迥出群  
學道每能安素履論交端擬薄浮雲  
幾連華榻眠春曉又共清燈語夜分  
我向湖南重相憶莫忘書札往來聞

鈞州詠古次虛菴韻二首

南風攬轡過中州陽翟名邦得縱遊  
彩鳳臺空芳草合黑龍潭靜淡烟收  
馬經潁水清無迹路繞黃山翠欲流  
眺望幾回情未已遠空雲影自悠悠  
匹馬南行接楚州路經櫟邑遂清遊  
學仙人去洞猶在鳴鳳臺空聲已收  
無限好山皆北向幾灣野水盡



東流垂鞭不管馬行緩更覺閑吟情緒悠

鈞州分司槿花盛開戲作

分司庭下舜花開清倚雕闌絕點埃坐客正看新朶  
盛遊蜂仍逐暗香來欲留芳艷明珠幌恐見殘英墜  
綠苔縱是鐵冠心似鐵也應花裏暫徘徊

襄城詠古

連村綠樹近襄城駐馬郊原眼界明汝水似環流處  
碧首山如案望中平具茨每喚莊生誕掛劍常高季  
札名佳句獨思韓吏部太平今已息天兵

葉縣詠古

沙河南度草州平綠樹陰邊見古城湛坂戰爭非義  
旅昆陽破賊是雄兵晁來尚說王喬鳥龍去空傳葉  
令名黃栢山前田漫漫已無沮溺舊時耕

贈舞陽朱進士

甲科選士擢才良喜見天荒破舞陽彩筆昔年同較  
藝藍袍今日又還鄉相逢莫厭金樽滿談笑聊便竹  
牖涼栢府先登應自愧好期他日共飛霜

慈氏寺留題次虛菴韻

義陽慈氏古叢林風景蕭然靜客心到院好香浮細  
靄隔簾幽鳥送清音槿花妙有空中色柢樹濃文戶



外陰持節他年重過此會須細聽穎師琴

應山四賢堂次鍾文亮韻

平蕪青浦讀書臺爲憶前賢故故來一代高名曾仰  
德百年陳迹但興哀碑文剝落漫苔蘚棟宇傾頽困  
草萊欲奠椒漿無處所向風搔首重遲回

至武昌口號

不須飛蓋遠相迎暫向霜臺弭使旌藩臬盡知周典  
禮吏民皆識漢官名千年有幸逢熙皞萬國同風樂  
太平自顧樗材叨寵渥秋毫何以荅天明

嘉魚寓目

舊時沙羨號嘉魚邑小人家生散居官舍高低叢異  
木大江環繞合重湖蜀山駐蹕空傳漢陸口屯兵已  
罷吳更上層峰肆遊覽晚雲飛盡楚天虛

登岳陽樓四首

人間聞有岳陽樓三十年來快此遊舉目但知天地  
濶憑闌不管歲華流江通巴蜀千山漲湖接瀟湘萬  
頃秋浩想希文話憂樂關河直北是中州  
高城粉堞背層山城上危樓俯急湍湖水欲包天地  
外棹歌只在水雲間湘靈鼓瑟今何在仙子凌風去  
未還適倚闌干閱今古白雲渺渺白鷗閑



玉斧飛霜過洞庭岳陽樓上寄高情天涯楚樹千行  
綠湖面君山一點青今古留題才浩渺往來登覽歲  
崢嶸中天徙倚多時節咲挹高風滿抱清  
澤國西風淨曉烟登臨暇日興悠然連空海水浮員  
嶠拍岸江聲送畫船蘭若滿汀懷楚客雲霞終古憶  
飛仙東南壯觀知應少細讀留題記往年

桃源詠古次趙子裕韻

雲林兩岸夾江津持節從容得遍巡百里仙源通異  
境幾家流水斷征塵溪頭翠竹偏宜夏洞口紅桃已  
放春一自輿圖歸聖化更無人世避咸秦

辰陽秋日

雄城百雉控蠻荒山翠高低護女牆萬里梯航通六  
詔五溪烟水下三湘邊氓久已漸華俗遠客頻應望  
帝鄉地氣于今同北土早秋時節雨生涼

辰溪二首

分司門外大江橫陞石參差岸不平眼底秋山無限  
好坐中涼吹有餘清棗垂翠葉丹砂重蠟滿青林素  
練明莫道蠻荒少題詠龍標詩有五溪名

辰溪縣裏駐華驄人俗雖殊景物同隔岸好山高聳  
玉遠門流水遠涵空雨過晚砌苔痕綠涼入秋堂蠟



炬紅爲念遠眠情未已夜深欹枕翠帷中

沅州簡劉主事

灑洒沅州舊憲臺早秋持節自天來池邊脩竹知誰  
種牕外寒梅待我開永日已應無兩造清宵時復望  
三台知音更遇鷓行侶客裏如何不放懷

送劉主事之貴州三首

每憶襄陽孟浩然喜君風致自翩翩聲名重比千鈞  
鼎藻思深如萬斛泉玉節含光來北極輶車結軫會  
南壩沅江此別何時會應在春花未發前

沅州相送意何如正是秋風八月初蘭芷香來飄客  
袂芙蓉花發照征車丹砂水碧登天府洞獠林蠻入  
版圖萬里山川遊覽遍好將風土載成書

畫省官僚總俊才早知名譽動金臺細論黃甲聯鑣  
步同是青雲接踵來邂逅龍標官署靜分携沅水健  
帆開明年二月花如錦送子東風上玉階

沅州秋夜獨酌

江城秋夜畫堂清市酒沽來只自傾遠壁任教虫響  
切照人偏喜燭花明七千里外思鄉邑十二時中望  
帝京願布仁風滿南極還將遠俗奏彤庭

發沅州



文集卷之二  
畫船清曉發沅州送別官曹簇遠洲雙艣忽隨高岸  
轉孤城已隔亂山稠殊風異俗多經覽瘴雨蠻烟任  
去留向夕燈明何處泊蒼蒼候館石林秋

過沅州見故鄉父老從戎者與道家鄉事多有

識先人者因賦此

邊城父老舊鄉隣拜節從容問所因綠髮已應辭故  
里白頭猶解識先人衣衫尚有唐風舊童稚皆傳楚  
語新爲說好安耕鑿計只今雨露萬方勻

黔陽九日

黔陽九日意何如此北望神京萬里餘竹院已無人送  
酒故園應有薦傳書缺冠不向秋風落黃菊仍霑曉  
露舒霜滿南天消惡氣錦囊何必佩茱萸

黔陽

龍標山下古黔陽二水交流萬里長風土往時爲異  
俗車書此日混遐荒棕林帶露麩麩碧橙實經秋顆  
顆黃清畫柏臺無訟牒旋吟佳句旋焚香

龍陽懷古

縣城北枕大江頭水國輕烟澹不收星土從來分翼  
軫雲山何處是金牛濯纓尚有當時水種橘猶存舊  
日洲極目洞庭波漫漫幾回乘興欲東流



益陽詠古

濱水西來遠縣流  
烟波遠接洞庭秋  
津頭客舫足江  
貨岸畔人家多竹樓  
甘壘草荒秋月淡  
裴亭樹老暮  
烟稠浮丘仙子何須問  
我亦當年賦遠遊

同侍御張勉夫院宿二首

持節俱從遠地回  
連床兩喜宿烏臺  
談詩細雨燈前  
落對酒清風柳下來  
白雪敢歌當日調  
青雲未負此  
生懷霜蹄曉踏香泥去  
笑指空衢萬里開

風雨霜臺集  
暝烟同官復  
此對床眠消  
懷酒味於人  
好報喜燈花  
向客妍談困  
尚誇肝膽壯  
睡酣不覺鼓

鍾傳明朝定是晴  
明候通籍還應覲九天

寧鄉遇雨

湖南風土異中州  
歲暮蕭蕭雨不收  
黃葉未全凋老  
樹青林猶自滿  
層丘傳聞累歲都  
無雪祗覺三冬總  
似秋却憶故鄉天道正  
迎霜已着禦寒裘

寧鄉詠古二首

千家懸櫺百黔中  
四望雲烟鎖翠峰  
水引溫泉分地  
利南來雲洞仰神功  
朱門道學推張栻  
宋室忠賢數  
魏公鬱鬱遺阡今尚在  
蒲山松柏撼高風

風烟渺渺接長沙  
竹樹蒼蒼繞縣衙  
入境已知出水



秀觀風殊覺士民佳魏公華表橫秋草易被若扉掩  
暮霞更覓南軒讀書處寒梅開遍古祠花

長沙喜天色晴霽賦此

連旬山雨濕行旌弭節長沙喜晚晴岳麓斷雲歸洞  
府瀟湘皎月照江城銀河一派仙槎穩牛斗三更劔  
氣橫樽酒此時聊自適滔滔不盡古今情

長沙四詠

湖南清絕有長沙江市悠悠郭外斜水合三湘開浦  
澗山連五嶺散雲霞鷓鴣踈雨黃陵廟鷓鴣殘陽賈  
傅家且喜登臨窮勝觀不須懷古重興嗟

江城早濕少塵埃霽景風烟四望開水接洞庭從北  
去山連衡岳自南來悠悠八翼陶侯夢落落千年賈  
傅才自昔爲邦多故老總留風節使人哀

名郡前賢是舊遊我來迴想興悠悠少陵幾醉樽中  
酒子厚重題驛畔樓岳麓雲霞常帶雨洞庭波浪遠  
涵秋爲邦誰似朱夫子道與湘灘晝夜流

明時持節按湖南澤國風烟到自諳客舫盡應依水  
市人家多是住山嵐三苗已見華風遠五嶺應知聖  
澤覃廊廟只今登俊彥不勞詞賦吊湘潭

寶慶喜雪



一夜瑤華遍楚壩霜臺曉色正清妍天從北極行時  
令氣肅南荒塵瘴烟春信喜傳庾嶺樹客懷寧憶剡  
溪船觀風使者無他祝願與官曹詠有年

荅何永芳三首

星斗東來轉玉衡遠遊時序不須驚邵陽松竹迎寒  
秀澗水林芳待煖榮政美已如金碗蔗官蕪爭比玉  
壺冰獨騎驄馬經行適喜見民風處處清  
邵陽風土接湘衡賢令之官犬不驚此日銅章分氣  
象往年金榜被恩榮無心真宰初行雪有脚陽春欲  
泮水持斧自天行郡邑溪山隨處好風清

飛騰還擬秉鈞衡小試牛刀豈足驚滿目山川開壯  
麗無邊花草待欣榮瘴消楚越山多雪春滿湖湘水  
不冰笑指梅花賦佳句栢臺風致有餘清

武岡山行

武岡南去萬山深冰雪裁裁闕太陰石磴盤空飄凍  
靄板橋橫水急清音前旌婀娜回飛鳥吹角悠揚過  
遠林玉節壯遊天地大風霜祗保百年心

沅州已酉元日二首

邊城萬里入提封元日瞻天拜舞同星麗碧霄皆拱  
極水趨滄海盡潮宗千年舊仰甄陶力三始仍看長



養功遙想鷓行裁豸侶繡衣應染御香濃  
履端宏啓三陽運戀闕遙馳萬里情龍尾仗嚴鞭韻  
徹鳳池班整珮聲清風霜每抱瞻天敬葵藿寧忘向  
日誠玉節趨朝應不遠會從鷓鷦紫霄行

沅州賀正旦歸院賦此

千門結綺遍江城竟夕風傳鼓角聲兵甲森羅嚴虎  
隊旌旗繚繞簇龍亭車書萬國開元引文武同心仰  
聖明歸到臺中添喜氣紅梅花底覓詩情

沅州院中紅梅二首

冬來都未有群芳祇見春紅滿後堂新萼半開含國  
色繁英爛發散天香宿醒未解風前醉穠艷猶凝雪  
裏粧幾度巡簷索清笑仍燒絳蠟待昏黃

自是人間第一花天教絕色冠群葩可應洞府神仙  
質粧點水霜御史家疎影入杯翻絳雪清香隨手折  
紅霞詩中帶得江南物歸到鷓班取次誇

沅州元夕

一年佳節又元宵異域春雲滿眼飄院落梅花凋冷  
藥池塘柳色弄新條昇平樂事懷中夏老大丹心戀  
聖朝獨擁霜臺清似水紅燈幾點月明高

贈別賀侍郎



文集卷之八  
一別經年梅柳新相逢沉水意何親栢臺英俊推先  
達桂籍聲名恭後塵又捧天書清節伍幾操憲節達  
陽春中朝屬望歸來早佇沐龍墀寵渥頻

二月十五夜

花柳池臺宿暝烟清宵俯仰興悠然一年好景春纔  
半萬里晴霄月正圓憲節遠依南斗外鳳城遙在北  
辰邊馬周舊是新豐客呼酒東風憶往年

五友詩

竹

此君風致自踈踈相近相親慰索居翫日每看高節  
長留情深托寸心虛清脩篔歷風霜久濃渥深承雨  
露餘好在百年無剪伐賸看新笋上青衢

梅

憲府孤根別占春清標瀟灑離風塵南州花思偏留  
客東閣詩情解動人玉管吹香風力軟水壺涵影月  
華新坐令懷抱深如許暗想調羹事業親

蘭

一自移根遠谷來便添清興滿烏臺羲娥馭日光風  
轉青女飛霜絕艷開每憶瑤琴翻雅調謾克騷佩慰  
高懷同心托契應非淺細看流年雨露栽



菊

一氣蕭森百草黃，獨留此物傲秋光。  
霜從降後殊多艷，風不來時亦自香。  
詩客采英秋得句，佳人倚竹暮凝粧。  
歲寒惟有烏臺客，共保芳根近畫堂。

蓮

芰荷相並滿青池，不受飛塵半點緇。  
高蓋每看濃露集，曲房一任好風吹。  
天姿不假雕鐫力，妙色多應造化奇。  
靜立亭亭如有待，結交須賦愛蓮詩。

沅州三月一日思親先人忌日

風木摧心已四年，沅州春日苦暄妍。  
無邊雨露滋群物，大地陽和浹九泉。  
懋忿敢忘當日訓，守身期佩昔人茲。  
光榮不及酌親願，俯仰終天涕泫然。

春日再發沅州

久住蠻州似故鄉，官船兩度發沅陽。  
貪看敵歲春山綠，却憶高秋老樹黃。  
宦迹不應辭遠近，天遊真可縱徜徉。  
沿流儘有新詩興，夾岸風來杜若香。

黔陽野人有饋魚者詩以酬之

幾日山中只飯蔬，野人携籠饋雙魚。  
欲懸却恠羊生矯，學放猶疑子產愚。  
酬價且傾官廩米，割烹恐有故鄉書。  
甘腴悅口斯須味，一飽應知不顧餘。



疊前韻

正是行厨薦野蔬多情野老送江魚細詢漁釣知何  
樂解道綸竿自養魚金錯飛聲初膾玉銀盤放筍且  
推書嚴勤更欲沾僮僕食罷還應問有餘

辰陽端午遣懷二首

五溪五月當五日時俗猶存舊楚風名黍堆盤人送  
玉龍舟疊鼓水搖空入簾山色隔江翠照眼榴花同  
日紅賜扇遠懷鷓鴣侶去年同謁大明宮

辰陽况復遇端陽沈水牽情萬里長鳳闕當年頒扇  
早龍墀此日賜衣香獨簪白筆叨天寵遠抱丹心憶  
帝鄉未必蠻中人留滯趨朝應只待秋涼

發沅州舟中寄陳侍御二首

駐節沅州整一年束書今喜遠朝天久知按部無膏  
澤自愧居官費俸錢前度江流行思好舊遊山色別  
情牽西風一夜歸心切北極恩光日月懸  
捲旗沙上簇雕戈畫鼓催舟發棹歌歸思載瞻黃道  
近交情將柰繡衣何一江烟水澄秋練兩岸雲山擁  
翠螺欲問清宵別來意冷猿啼處月明多

泊武口驛

風濤近接洞庭湖楊柳堤邊水驛孤回首已應蠻徼



文集卷之八  
十六  
遠登樓殊覺楚天虛征帆北客依津市貢篚南金引  
舳艫清夜不眠持憲節歸心先到帝王都

洞庭湖阻風四首

高秋木落洞庭寬白筆南征使者還蘭若馨香懷漕  
浦炯霞縹緲認君山已應湖海添清氣更覺風濤入  
吐觀枉渚維舟苦留滯岳陽樓上憶憑闌

繫舟無奈北風何遣悶還應一放歌日射湖心翻錦  
浪烟收山頂露青螺蒼梧水濶秋天遠斑竹雲深暮  
雨多千載湘纍無復見欲從何處吊英娥

海內無如此壯遊高風木落洞庭秋青山半在波中  
出白浪渾如天上流騷思難尋澧浦佩客程頻望岳  
陽樓江河遠客情何似浩想希文獨未休

濤聲連日捲銀沙野渚無聊眺望餘數點雲山湖上  
出一行風葦岸邊斜老髯難覓仙翁笛白簡還乘使  
者槎况是中秋明月夜瀟湘久客正思家

湖中阻風望君山

一望君山咫尺間不堪連日阻風湍祗愁枉渚維舟  
楫安得遙空縱羽翰天地盡應浮海水蓬壺自昔隔  
塵寰會須掛席過林麓石磴攀蘿極妙觀

湖中風濤大作



正是清秋月色多大風終夜鼓洪波銀山萬疊來高  
下鐵騎千群入盪摩好夢驚回朝帝闕歸心併起望  
天河明當少轉封姨力百里平湖頃刻過

登小孤山

二十年前曾過此今朝重上小孤山九霄旭日清光  
近萬里秋風爽氣寒南紀諸峰連地脉東流衆水會  
天關江山不盡登臨興望闕思親正倚闌

儀真三詠

東南水陸會真州河朔風雲拱上游潮落瓜洲遠渡  
出天連揚子大江流迎鑾鎮古名猶在解劍橋荒事  
已休多少繁華成俯仰萬家烟火不勝秋

聞道真州景物多晚秋時節偶來過蒹葭暮雨連滄  
海楊柳西風落漕河曉岸帆檣南客舫夜船燈火北  
人歌寓居候館情無限一寸丹心柰爾何  
大江分派入儀真楊柳人家夾去津舟楫東南來貢  
賦衣冠西北會星辰雲通赤岸天多雨境接滄溟地  
不塵欲問東園無故老苦吟搔首向風顛

歌風臺二首

芒碭雲連古帝鄉歌風臺近泗河傍蚤提三尺安天  
下尚想群賢守四方英魄有靈藏地遠威名無比配



天長當時赤幟知何似紅葉園林夜有霜  
故城南畔泗河隈漢祖歌風有舊臺樂飲一時酬父  
老吐心千古憶雄才新豐桑柘蕭疎盡芒碭雲霞散  
漫開一自鼎湖龍去後英魂幾復沛中來

發通州再往湖南

海內江山已慣遊今朝重泛潞河舟初辭天上雙龍  
表尚想雲間五鳳樓壓岸曉霜明憲節到船寒雨濕  
貂裘預期回首當開歲未必湖南可滯留

過流河驛挽王侍御

停舟沽酒酌王君恐見寒蕪徧旅墳岐路可無人世

別星霜便有死生分青驄踏名猶在白鶴旋歸語  
竟聞俯仰幾回增感慨朔風吹斷海西雲

襄陽懷古

鄧城纔過見樊城舊堞荒涼總舊名廢沼幾行寒鷗  
下踈林數點晚鴉鳴分茅尚自懷山甫謀國何須羨  
曼甥更問襄陽千古事峴山依舊漢江清

襄陽逢至日

襄樊又喜遇陽生士女傾心玉燭明一畫已忘吾道  
長六符仍覩秦階平朔風吹雪荆山曉化日流春漢  
水清大地陽和從此布檣臺寧復冷如冰



遊岳陽圓通寺

巴陵古寺有圓通寺下平湖接太空禪室靜涵鮫室  
冷梵樓遙映蜃樓紅諸天只在虛空外薄象皆歸曠  
蕩中鐵面道人人不識偶來登覽自從容

遊君山

兩過君山若未遊今來山下暫停舟雲林一逕蒼苔  
合佛殿千年古迹留日月每從波底出餘禪常在氣  
中浮人生志節當如此屹立狂瀾幾萬秋

桃源道中三首

初聞勝景如天上此日經行已再來水入松篁  
急山圍村塢到時開荒溪難覓當時洞廢觀空餘舊  
日臺謾說人間有仙跡不知天地也塵埃

兩日桃源道路中無邊清興每相供雲山過後層層  
見澗水行來處處同蘿逕烟光籠軟翠松岩雲彩絢  
新紅何當一覽蠻中小更上淮南萬仞峰

桃源景物信幽奇幾度游觀愜所思丹碧峰巒雲裏  
見青蒼林木鏡中窺漁舟一去仙源合石洞重來碧  
蘚滋惟有武陵溪上樹年年花發使人疑

沅州元夜同陳侍御觀燈

萬里歸來自帝朝沅陽今是兩元宵詩從見月添新



興人喜觀燈得俊僚北極星辰垂地遠南天瘴癘到  
春消栢臺風致清如許梅蕊頒香入凍醪

戲詠五友

五友留連興趣多相看長是動吟哦梅花酸實垂垂  
盛蘭畹香風細細過老大竹根生嫩笋輕通藕蒂長  
新荷不知黃菊花開口已別還應未去何

沅州雜詩十二首

積雨連朝喜晚晴天開暉晚望邊明水添沅澧新濤  
急山洗黔巫宿瘴滯奉使每期三尺正觀風快靚萬  
方平霜臺永日多詩思新笋兒孫次第生

駐節三年尚未歸黃梅庭院雨霏霏池荷柄短青錢  
小露竹梢長粉籜穠火道久知千古在遠懷未信一  
生違新晴眼界何空濶萬里青霄羨鳥飛

正是霜臺弭節時不堪風物動相思庭前綠草飛蝴蝶  
蝶城外清江叫子規此地關河頻入望南天雷雨自  
無私預將歸橐酌知己萬里觀風賸有詩

遠山重疊繞孤城城下蠻江一曲濤溪峒人家猶異  
俗市廛兒女帶華聲戶將烏鬼爲生計地產丹砂當  
歲征自昔黔中風土惡遠遊那得易爲情

涓埃無補聖明朝持節南荒歲月遙幾見闌干生薜



荔旂看烟雨綻芭蕉山城每聽鍾聲早金闕常思翫  
影高爲報難行舊知己耽書未解于雲嘯

燹道西連蜀道長五溪風土古蠻鄉相傳遺種多繁  
瓠見說藏書卽酉陽梅雨來時諸水漲野雲飛處萬  
山蒼鐵冠自是心如鐵一任江如九曲腸

剪燭空堂欲三更堂前新雨夏虫鳴每因時物思劬  
育未有秋毫荅寵榮歲月不催雙鬢綠詩書祇倚片  
心明端居遠想千年事漢室還應召賈生

大化無邊歲月長幾年寒暑歷荆陽巫望處天三  
尺湖海流來水一觴心地平時爲福地異鄉好處似

家鄉烏臺一夜芭蕉雨牘有新涼入畫堂

聖化如天統四溟黔中封界揜荆衡壺頭不復當時  
險克道無如此日平渺渺荒烟含遠岫悠悠流水帶  
邊城武陵溪上哀生笛吹盡關山幾許情

雙沼荷風颭畫屏一林梅雨洗幽庭日長心緒思家  
國地遠衰情念鷓鴣細草偏從行處綠好山多在望  
中青身兼吏隱今如此擾擾塵勞不用爭

侵城水色映飛樓樓外晴天屬望悠萬里山連百越  
遠五溪漲入九江流黃州陳迹知何似赤壁蒼烟久  
未收法像有廬真草草令人俯仰意難休



文集卷之八  
十七  
辰沅風壤帶三苗一望乾坤納納遙翼軫衆星朝北  
極岷嶓諸嶺導南條天隣巫峽常多雨江過潯陽始  
有潮近日詩懷殊浩渺謾將新句寫芭蕉

沅州秋夜忽憶三年前秋夜之作二首

獨坐高堂蠟炬紅宛然秋與昔年同宦情不改來時  
淡詩思渾如到日濃楊柳影斜簾外月菱荷香老水  
邊風莫言白筆南征久贏得歸囊一物空

黔中今是第三秋又聽蟲聲四壁幽脩竹林間天籟  
發芭蕉葉上露華流知非漸擬高人化學道寧忘長  
者謀好在燈花頻送喜沅江幾日放歸舟

次王侍御韻

憲府乘駘舊有名今秋偶爾會蠻荆虹霓氣接風雲  
氣珠玉聲隨咳唾聲萬里山川勞跋涉諸蕃部落待  
澄清愧予無補空持節賴有丹心久更明

立春

辰陽城裏遇新春簫鼓蠻歌動四隣溪峒總無前世  
梗華夷咸仰大明仁官梅向客開何數江柳催時發  
更頻春酒一杯聊自勸瞻天未已又思親

次王侍御見寄韻二首

去年秋晚送君時別後長懷遠道思健筆久推天下



土明珠新得掌中詩官梅帶雪開何早旅鴈穿雲去  
未遲想在南蕃多暇日春來寧惜寄新詞  
沅州城裏去秋時忽見高人慰所思篠竹影邊開縱  
步芙蓉花底笑論詩已看獻歲逢春早頗訝經年會  
面遲折得官梅逢驛使慇懃遠寄重緘詞

院中梅花

地位清高迥絕塵官梅相對愈精神風霜拂處枝枝  
弱霽雪消時蕊蕊新素質不移千古性芳心長占四  
時春幾回攀折情無限咲比瑤華欲贈人

靜得軒爲劉念憲賦二首

結屋端居絕垢氛獨懷冲默事天君看從上下機緘  
露悟到中間造化分細雨緩催幽砌草好風輕卷太  
虛雲收功欲問知何似縱是無聲也自聞  
晏坐高齋白晝閑謾將生意靜中看一簾時雨滋花  
竹繞砌光風轉蕙蘭野馬飛時情自適幽禽啼處樂  
相關久知萬物非身外欲向無名學弄丸

夏日院中遣興

荷葉池塘四月初滿庭梅雨正踈踈心閑已悟天無  
際性靜應知樂有餘架上詩書頻檢閱環中光景任  
盈虛鐵冠御史誰能識隱几無言學養愚



睡起口號

睡起霜臺萬慮清  
天時物理獨關情  
黃梅熟後無風落  
翠蘚看來冒雨生  
學向靜中方識味  
道全身內不  
予名懸知千古無  
言子不信人間有  
六經

謝李布政文英以字帖藥方見寄

政聞左轄振條綱  
忽寄書來喜欲狂  
字向池邊添妙法  
醫從肘後驗仙方  
十年契濶情如舊  
兩地相思意  
不忘會面湖藩須  
有日片帆行擬下  
沅湘

辰州喜雪

臘月江城不起塵  
朔風吹雪正頻頻  
臺端老柏貞心  
勁  
墻外踈梅冷蕊  
新地氣已應清  
瘴癘歲華行復見  
陽春久知擣散無  
他補祇詠豐年慰  
遠民

登沅州城樓

縹緲飛樓面面通  
霜臺多暇此從容  
牕含曉日烟霄  
上城繞秋山錦繡  
中天壓大荒均雨  
露地包絕域盡  
提封小臣弭節裁  
詩日誕播皇風萬  
國同

寄于侍郎廷益

黃甲同年二百人  
大名飛步獨超倫  
乘驄正仰風霜  
肅司馬俄承寵  
滌頰列郡年豐爭  
轉粟兩河春暖見  
歸民天書重疊膺  
殊寵好布人間雨  
露新



陽武懷古

黃河南下是通津，縣郭千年枕水濱。  
兵結團城猶有漢，車驚博浪已無秦。  
黑陽山晚橫殘照，清水潭乾起暮塵。  
立馬幾回思往事，宰平誰識社中人。

襄城道中

三持憲節過襄城，喜見中州景物明。  
天倚嵩高霜氣肅，地連許潁曉烟橫。  
輿圖渾渾開昌運，民物熙熙樂太平。  
萬里觀風良自負，遠懷還擬遂平生。

衛河舟中懷古

衰草燕城澹月輝，河流雖是昔人非。  
北門鎖鑰輸平仲，南度兵車數岳飛。  
汴水風高霜落水，吳山秋晚露霑衣。  
當時故老知何限，空抱遺忠賦式微。

左掖退朝口號

寶蓋初收扇影還，千官行過石闌干。  
天階好雨霑旌旆，洞戶清風引佩環。  
鍾響已飄雙闕外，香烟猶繞五雲間。  
久陪鴛鴦知無補，自訝昇平際遇難。

宿院簡焦羅張陳四侍御

楊柳風清憲府深，晚涼時節自開襟。  
星橫北斗三更柄，月轉東瀛萬頃金。  
握節幾時窮地脉，觀書直欲見天心。  
吐懷落落霜侵鬢，誰伴單居御史吟。



送孫俊先生致仕歸鄆陵三首

先生七十引年歸送別都門柳絮飛潞水東風斜捲  
幔金臺晚照遠御衣收功桃李心初遂行樂桑榆志  
未違况復潁川多故事到家爭仰德星輝

歸老儒官七十餘扁舟唯載舊詩書泥融野岸晴飛  
燕飯熟行庖曉薦魚花柳風烟新歲月桑麻雨露舊  
村墟到家處處堪行樂應有兒童爲挽車

彭祖岡南右潁川先生茅屋尚依然其貧已道爲官  
好勇退爭誇引老賢歸路載添新白髮到家唯有舊  
青瓊耆英洛社如堪結留取風流久遠傳

遣懷

樗材無補聖明時持斧年多鬢欲絲癩瘰久虛先壠  
薦詩書應有正人知趨朝鳳闕推先達退食烏臺愧  
後期幸自此身安蹇拙幾看雲與意俱遲

宿院遣興

栢臺清絕小窓虛閑看遙空思有餘明月有光圓交  
缺浮雲不定卷還舒初晴爽氣澄襟冷入夜清風到  
面徐莫笑官貧身老大無名公已悟乘除

遣懷

簿書夏日足官府忽憶少年行樂時高柳送涼蟬斷



續清溪濯足石參差班荆或共高人語採藥頗從野  
老嬉遠興無端真在想白雲芳草舊襟期

文清公薛先生文集卷之八



